

Sier Francesco Venier el XL Criminal, di sier Pelegrin .	90.115 — 2.155
Sier Alexandro Barbo el XL Criminal, qu. sier Faustin.	92.118 — 6.138
Sier Jacomo Barbaro, fo auditor vechio, qu. sier Vincenzo, qu. sier Jacomo. .	88.125 — 3.162
Sier Lorenzo Sanudo el XL Criminal, qu. sier Anzolo, qu. sier Francesco	111. 97 — 2.155
Sier Zuan Alvise Venier, fo proveditor sora il Flisco, qu. sier Francesco	86.119 — 4.126
Sier Beneto Griti el XL Criminal, qu. sier Zuanne. .	97.109 — 2.163
Sier Marco di Prioli, fo XL Zivile, qu. sier Marin . . .	76.130 — 3.163
Sier Francesco Corner, fo podestà in Antivari, qu. sier Zorzi	102.105 — 3.135
Sier Alvise Ferro el XL Criminal, qu. sier Nicolò . .	77.131 — 3.145
Sier Lorenzo da chà Taiapiera, fo proveditor a Peschiera, qu. sier Nicolò	75.137 — 5.115
Sier Nicolò Balbi el cao di XL, qu. sier Zacaria, qu. sier Stai.	95.113 — 6.160
Sier Hironimo Bragadin el XL Criminal, qu. sier Zuan Francesco	92.113 — 2.146
Sier Lorenzo Salamon fo sora, gastaldo, qu. sier Piero .	101.107 — 4.140
Sier Vincenzo Morexini, fo cao di XL, qu. sier Antonio .	119. 85 — 1. 52
Sier Mafio Girardo el cao di XL, qu. sier Zuan Matio .	97.111 — 5.151
Sier Jacomo Malipiero, fo proveditor sora le fabriche di Verona, qu. sier Polo . .	93.104 — 4.155

202⁽¹⁾ *Da Milan, di l'orator Basadona, di 19, ricevute a di 23 Agosto, la matina.* Come scrissi sono lettere dil secretario di questo illustrissimo signor, Panizone, in Sguizari. Da poi è venute altre lettere dil ditto, di 10 et 12; scrive, inteso che hebbero li oratori francesi la risposta li fo fata in la dieta di Bada che quelli signori non voleano venir a nova confederation per non esser di suo

(1) La carta 201* è bianca.

costume, ma la Christianissima Maestà observasse quanto è tenuto per esser satisfati, et prima li desseno quanto deveno haver, i qual oratori se acquietorono dicendo se, pagandoli una pension, potriano levar fante alcun, perchè el re voleva mandar exercito contra Milan et questo per la morte dil Maraveia, li risposeno voler esser prima satisfati de loro crediti, poi li responderiano. Ditti oratori disseno, hessendo satisfati dil tutto, se potrà levar fanti; loro Sguizari de la dieta li risposeno non potriano risolvere de questo, ma riporterano tal richieste a loro signori. Poi a l'altra dieta fatta a Lucerna di 6 Cantoni christiani con li oratori di Valesani li ditti oratori proposero che la capitulation tratano di far el Papa et Cesare con loro non poteva farsi senza preiuditio de la liga hanno con el suo re, per esser in li capitoli che una parte non deve prometer pace a gente ne guera contra l'altra; poi li disseno voler levar fanti per vendicarsi contra el duca de Milan, et advertiscano che Papa nè Cesare nè i loro successori continuarano a darli le pension come fa el suo re et le darà sempre; et seusò che l'orator Magret defunto havesse exborsato danari contra essi Cantoni christiani, et se il re l'havesse inteso che l' fusse stà lutheran lo harla castigato et non saria stà dà diti danari. Li oratori svizari de la dieta li risposeno, la liga se tratava col Papa et Cesare era per la fede, et de zio el re non se havia a doler; et zerca far fanti voleno prima i loro Signori sappi, et li risponderano a la dieta se farà a li 24, sperando darli bona risposta et li prometesseno darli aiuto per causa de la fede. Essi francesi a questo tolseno tempo de scriver al re, dicendo pagerano le pensione. Con Grisoni et Valesani se pratica *secrete* de levar fanti, ma è sta ordinà publicar in li territori de li 6 Cantoni christiani et vallesani che alcun non vadi a soldo de alcun principe sotto pena di la vita et confiscation di beni. Francesi spendeno assà in quella nation.

In lettere di 12 ditto secretario scrive la ditta proclama non esser sta fatta; sono in Suit et Untervalde, et per li agenti dil Papa et Cesare erano stà dà danari a li Cantoni christiani, a chi 100 ducati a chi 100 fiorini, promettendo conclusa la liga darli di altri *maxime* al Sculter Hugo. El capitano de la guarda di Roma lo Amano Trochar, ma da la banda de francesi fiocchioano li danari et li amici mostra non curarse de nui, et a far la liga bisognerà darli la mità de da-